



## МОНГОЛ УЛСЫН ЗАСГИЙН ГАЗРЫН ТОГТООЛ

2019 оны 11 дүгээр сарын 28-ны өдөр

Улаанбаатар хот

### Дугаар 420

#### ГАДААДААС 2020 ОНД АВАХ АЖИЛЛАХ ХҮЧ, МЭРГЭЖИЛТНИЙ ЭЗЛЭХ ХУВИЙГ ТОГТООХ ТУХАЙ

Ажиллах хүч гадаадад гаргах, гадаадаас ажиллах хүч, мэргэжилтэн авах тухай хуулийн 4.1.4-т заасныг үндэслэн Монгол Улсын Засгийн газраас ТОГТООХ нь:

1. Монгол Улсад 2020 онд үйл ажиллагаа явуулах аж ахуйн нэгж, байгууллагын нийт ажиллагчдын тоонд эзлэх гадаадын ажиллах хүч, мэргэжилтний хувийг хавсралт ёсоор баталсугай.

2. Энэ тогтоолын хавсралтад заагаагүй салбарт үйл ажиллагаа эрхэлж байгаа 20-иос дээш ажилчидтай аж ахуйн нэгж байгууллагад гадаадаас авах ажиллах хүч, мэргэжилтний эзлэх хувийг тухайн байгууллагын нийт монгол ажиллагчдын 5 хүртэл хувь байхаар тогтоосугай.

3. Аж ахуйн нэгж, байгууллагын гадаадаас авах ажиллах хүч, мэргэжилтнийг эрүүл мэндийн үзлэгт хамруулж байхыг ажил олгогчид, үзлэгийг зохион байгуулж ажиллахыг Эрүүл мэндийн сайд Д.Сарангэрэлд тус тус үүрэг болгосугай.

4. Энэ тогтоолын хавсралтад заасны дагуу ажиллуулах гадаадын ажиллах хүч, мэргэжилтнийг 2020 онд авах, Монгол Улсад хөдөлмөр эрхлүүлэхэд хяналт тавих, буцаан гаргах ажлыг зохион байгуулж, улирал тутам Хөдөлмөр, нийгмийн хамгааллын яаманд тайлагнаж ажиллахыг холбогдох сайд нарт үүрэг болгосугай.

Монгол Улсын Ерөнхий сайд

У.ХҮРЭЛСҮХ

Хөдөлмөр, нийгмийн хамгааллын сайд

С.ЧИНЗОРИГ

**2020 ОНД АЖ АХУЙН НЭГЖ, БАЙГУУЛЛАГЫН НИЙТ  
МОНГОЛ АЖИЛЛАГЧДЫН ТООНД ГАДААДААС АВАХ  
АЖИЛЛАХ ХҮЧ, МЭРГЭЖИЛТНИЙ ЭЗЛЭХ ХУВЬ, ХЭМЖЭЭ**

Салбар	Дэд салбар	Бүлэг	Анги	Эдийн засгийн үйл ажиллагааны салбарын ангилал	Нийт монгол ажиллагчдын тоо				
					21-30	31-50	51-100	101-200	201 түүнээс дээш
					Гадаадын ажиллах хүч, мэргэжилтний эзлэх хувь				
A				Хөдөө аж ахуй, ойн аж ахуй, загас барилт, ан агнуур					
	01	011		Нэг наст ургамлын тариалалт	10	15	20	25	30
		016	0162	Мал, амьтны ашиг шимийг авахад туслах үйл ажиллагаа	10	10	10	10	10
B				Уул уурхай, олборлолт (газрын тос, байгалийн хий олборлолт)					
	06	061	0610	Газрын тос, байгалийн хийн олборлолт	10	20	30	30	30
				Газрын тос, байгалийн хийн хайгуул	10	20	30	40	50
C				Боловсруулах үйлдвэр					
	13			Нэхмэлийн үйлдвэрлэл	20	20	20	25	25
	20			Хими, химийн төрлийн бүтээгдэхүүний үйлдвэрлэл	15	15	15	15	15
	23			Төмөрлөг бус эрдэс бодисоор хийсэн эдлэл үйлдвэрлэл	15	15	15	15	15
	24			Металл үйлдвэрлэл	15	15	15	15	15
	32			Бусад боловсруулах үйлдвэрлэл	15	15	15	15	15
	33			Машин, тоног төхөөрөмжийг угсрах, суурилуулах, холбогдох засвар үйлчилгээ	10	15	20	25	25
D				Цахилгаан, хий, уур, агааржуулалт	10	20	30	35	40
E				Ус хангамж, бохир ус зайлуулах систем, хог, хаягдлын менежмент болон цэвэрлэх үйл ажиллагаа	10	15	20	25	30
F				Барилга					
	41	410	4100	Барилга угсралт	10	30	35	45	60
		421	4210	Төмөр зам болон авто замын байгууламж барих үйл ажиллагаа	10	30	35	45	60
				Уул уурхайн барилга угсралт	10	20	25	30	35
G				Бөөний болон жижиглэн худалдаа, машин, мотоциклийн засвар үйлчилгээ					

		45		Моторт тээврийн хэрэгсэл, мотоциклийн бөөний болон жижиглэн худалдаа, засвар үйлчилгээ	20	20	20	20	20
H				Тээвэр ба агуулахын үйл ажиллагаа	25	25	25	25	25
I				Зочид буудал байр, сууц болон нийтийн хоолны үйлчилгээ					
	55			Зочид буудал, байр сууцаар үйлчлэх үйл ажиллагаа	10	10	10	10	10
	56			Нийтийн хоолны үйлчилгээ	10	10	10	10	10
M				Мэргэжлийн, шинжлэх ухаан болон техникийн үйл ажиллагаа					
	72			Шинжлэх ухааны эрдэм шинжилгээ, ололт, судалгааны үйл ажиллагаа	30	30	30	30	30
N				Удирдлагын болон дэмжлэг үзүүлэх үйл ажиллагаа					
		791		Аялал, жуулчлалын агентлаг, аяллын операторын үйл ажиллагаа	10	15	20	20	20
P	85			Боловсрол					
		851, 852, 854		Бага болон бүрэн дунд, бусад боловсрол олгох үйл ажиллагаа	50	50	50	50	50
		853, 8522, 8530		Техник мэргэжлийн дунд боловсрол болон дээд боловсрол олгох үйл ажиллагаа	40	40	40	40	40
				Мэргэжлийн болон ур чадвар олгох сургалтын үйл ажиллагаа	20	20	20	20	20
		852	8521	Засгийн газар хоорондын гэрээтэй болон гадаадын хөрөнгө оруулалттай олон улсын хөтөлбөрөөр сургалт явуулдаг боловсролын байгууллагад	65	65	65	65	65
Q				Хүний эрүүл мэнд ба нийгмийн халамжийн үйл ажиллагаа					
		86		Хүний эрүүл мэндийн үйл ажиллагаа	10	10	15	15	15
		87		Оршин суугчдад үзүүлэх халамжийн үйл ажиллагаа	10	10	15	15	15
R				Урлаг, үзвэр, тоглоом наадам					
	90	900	9000	Бүтээл туурвих, урлаг, үзвэр, үйлчилгээний үйл ажиллагаа	10	10	10	10	10
	93			Спорт, зугаа цэнгэл, чөлөөт цагийн үйл ажиллагаа	10	10	10	10	10
S				Үйлчилгээний бусад үйл ажиллагаа					
	95			Хувийн болон өрхийн хэрэглээний зориулалттай бараа, компьютерийн засвар, үйлчилгээ	10	10	15	15	15
	96	960		Хувийн үйлчилгээний бусад үйл ажиллагаа	10	10	15	15	15
U				Олон улсын байгууллага, суурин төлөөлөгчийн үйл ажиллагаа					
	99	990	9900	Олон Улсын байгууллага, суурин төлөөлөгчийн үйл ажиллагаа	40	40	40	40	40
				Хүмүүнлэгийн үйл ажиллагаа явуулах зөвшөөрөл бүхий гадаад, дотоодын төрийн бус байгууллагын үйл ажиллагаа	30	30	30	30	30

Жич :

1. 5-20 хүртэлх монгол ажиллагчидтай аж ахуйн нэгж, байгууллага нь эдийн засгийн үйл

ажиллагааны салбар харгалзахгүйгээр 1 (нэг) гадаадын иргэн ажиллуулж болно. Үүнд :(эдийн засгийн үйл ажиллагааны салбарын ангилал “Моторт тээврийн хэрэгсэл, мотоциклийн бөөний болон жижиглэн худалдаа, засвар үйлчилгээ” /G45/, ”мэргэжлийн сургалт” тодорхой ажил, хөдөлмөр эрхлэхэд шаардагдах мэргэжлийн ур чадвар олгох, дээшлүүлэх, давтан сургах, дадлагажуулах, хөдөлмөрийн болон харилцааны соёл төлөвшүүлэх, аж ахуй эрхлэх мэдлэг олгох үйл ажиллагааг эрхэлдэг байгууллагууд хамаарахгүй)

2. Гадаадын хөрөнгө оруулалттай аж ахуйн нэгж, байгууллагын гадаадын хөрөнгө оруулагч хуулийн этгээдийн удирдах бүрэлдэхүүний 3 төлөөлөгч, гадаадын хөрөнгө оруулагч 1 хувь хүнийг хөрөнгө оруулалтын асуудал хариуцсан төрийн захиргааны байгууллагын тодорхойлолтыг үндэслэн энэ тогтоолд заасан хувь, хэмжээнд хамааруулалгүй хөдөлмөр эрхлэх зөвшөөрөл олгож болно.